



Broj: 04-40-1-84/20
Sarajevo, 25.03.2020. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 24.03.2020. do 08:30 sati 25.03.2020. godine

U skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), kao i drugim podzakonskim propisima iz oblasti zaštite i spašavanja, te Odluci Vlade Kantona Sarajevo o proglašenju stanja prirodne i druge nesreće zbog opasnosti od širenja zarazne bolesti uzrokovane koronavirusom (COVID-19) na području Kantona Sarajevo, broj: 02-04-7986-1.1/20 od 18.03.2020. godine, Štab civilne zaštite Kantona Sarajevo (u daljnjem tekstu: Štab) je u toku jučerašnjeg dana nastavio sa aktivnostima na provođenju preventivnih mjera na smanjenju opasnosti od širenja zarazne bolesti uzrokovane koronavirusom (COVID-19) na području Kantona Sarajevo.

U saradnji sa općinskim štabovima civilne zaštite nastavljene su planske aktivnosti čišćenja i dezinfekcije ulica, trotoara i drugih javnih površina, koje provode KJKP Rad i pravna lica koja su angažovale općine. Po nalogu Štaba Služba za veterinarske poslove nastavila je aktivnosti na planskoj dezinfekciji javnih objekata i površina.

Štab je donio i naredbu kojom je naredio općinskim štabovima civilne zaštite i Direkciji za puteve Kantona Sarajevo da intenziviraju aktivnosti na zimskom održavanju lokalnih puteva koji su u njihovoj nadležnosti.

Općinski štabovi civilne zaštite s područja Kantona Sarajevo su poduzeli slijedeće mjere i aktivnosti na smanjenju opasnosti od koronavirusa:



Općinski štab civilne zaštite Centar:

U skladu sa zaključkom Općinskog štaba civilne zaštite, Služba za civilnu zaštitu i mjesne zajednice pokrenula je procedure javnih nabavki materijalno-tehničkih sredstva za potrebe zdravstvenih ustanova na području Općine Centar:

- nabavka sanitetskog (kombi) vozila za potrebe Kliničkog centra Univerziteta u Sarajevu,
- nabavka dva seta termalnih hibridnih mrežnih kamera zdravstvenim ustanovama na području općine Centar za provođenje mjera na sprečavanju širenja opasnosti od koronavirusa,
- nabavka dva kontejnera za trijažu pacijenata zdravstvenim ustanovama na području Općine Centar,
- nabavke 9 manjih termalnih kamera za potrebe zgrade Općine i zdravstvenih ustanova na području Općine Centar.

U toku je postupak provjere kod upravitelja zgrada da li provode postupak dezinfekcije objekata na području Općine Centar.

Općinski štab civilne zaštite Novo Sarajevo:

Općinski štab civilne zaštite je u cilju provođenja preventivnih mjera zaštite od koronavirusa odobrio finansijska sredstva za nabavku: dva respiratora za potrebe javnih zdravstvenih ustanova u Sarajevu, dvije termo kamere za detektovanje temperature kod građana, 1500 paketa (prehrambeno-higijenski) za socijalno ugrožene i 450 paketa za porodilje, zaštitnih maski, rukavica i druge zaštitne opreme, nabavka dozatora i dezinfekcijski sredstva za objekte Općine, druge javne ustanove i javne površine, angažman pojedinaca, jedinica i službi civilne zaštite i angažovanje drugih pravnih lica (dezinfekcija javnih površina).

Općinski štab civilne zaštite je također, odobrio finansijska sredstva za provođenje prevencije u cilju zaštite djece u predškolskim i osnovnim obrazovnim ustanovama, te za provođenje prevencije u cilju zaštite mobilnih ekipa za rad na terenu i u ambulancama porodične medicine, prilikom pojave prvih slučajeva za Službu prve medicinske pomoći - Dom zdravlja Novo Sarajevo.

Općinski štab civilne zaštite Hadžići:

Putem općinskih službi obezbjeđena je određena količina zaštitne opreme i sredstava (rukavica, maski, čizama i sredstava za dezinfekciju), koja su podijeljena uposlenicima Policijske uprave, Doma zdravlja, Vatrogasnom društvu, Centru za socijalni rad i Službi za vodosnabdijevanje i asanaciju terena.

U toku jučerašnjeg dana Služba za vodosnabdijevanje i asanaciju terena je zbog pojačanog broja migranata u kampu Ušivak, tri puta u toku jučerašnjeg dana dostavila pitku vodu sa cisternom kao dopunu rezervoara u kampu, dok nije mogla vršiti dezinfekciju ulica zbog snijega.

Na službenoj web stranici Općine Hadžići ažurirani su telefoni Doma zdravlja, objavljena su uputstva građanima za koronavirus, te su građani pozvani na odgovornost i pridržavanje propisa i naredbi izdatih od nadležnih organa.



web: <https://kucz.ks.gov.ba>

e-mail: oc@kucz.ks.gov.ba

Tel: + 387 (0) 33 121, 556-670

Fax: + 387 (0) 33 556-671

Sarajevo, Reisa Džemaludina Čauševića 1

Od ostalih općinskih štabova civilne zaštite s područja Kantona Sarajevo putem njihovih operativnih centara civilne zaštite smo obavješteni, da kontinuirano rade na provođenju preventivnih mjera zaštite i spašavanja, na čišćenju i pranju ulica, trotoara i drugih javnih površina, kao i dezinfekcija javnih objekata, ulica, trotoara, javnih stepeništa, trgova, javnih parkinga i drugih prostora, kao i na pravljenju spiskova osoba starijih iznad 65 godina koji žive sami na području njihovih općina, te na nabavci neophodne zaštite opreme i sredstava.

Kantonalna uprava civilne zaštite Kantona Sarajevo: Pripadnici Kantonalne uprave civilne zaštite Kantona Sarajevo u izvještajnom periodu imali su četiri intervencija manjeg intenziteta i jednu tehničku intervenciju.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -2°C , relativna vlažnost zraka 71% a barometarski pritisak 945 hPa.

BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d., JP Željeznice Federacije BiH**, gradski, međugradski i željeznički saobraćaj je obustavljen po naredbi Federalnog Štaba civilne zaštite.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1